



კანონთა და განკარგულებისათვის კომისიის

ამიერკავკასიის სოციალისტური ფედერაციული საბჭოთა რესპუბლიკის
მუშათა და გლეხთა მთავრობისა.

<p>1931 წლის სექტემბრის 30.</p>	<p>№ 18 განყოფილება პირველი</p>	<p>ა/კფსრ სახალ. კომისართა საბჭოს საქმეთა მმართვე- ლობის მიერ გამოცემული.</p>
-------------------------------------	-------------------------------------	---

შ ი ნ ა ა რ ს ი:

**დადგენილება ამიერკავკასიის ცენტრალური აღმასრულებელი კომიტეტისა და
ა/კფსრ სახალხო კომისართა საბჭოსი.**

მუხ. 209. სსრკ-ის მთავრობასთან მყოფი ა/კფსრ მუდმივი წარმომადგენლობის დებულების მე-6
მუხლის შეცვლის შესახებ.

**დადგენილებანი ამიერკავკასიის ცენტრალური აღმასრულებელი
კომიტეტისა.**

- 210. სამეურნეო ანგარიშზე მყოფი ბრიგადების მოწყობაში საქალაქო საბჭოებისა და სხვა-
დასხვა საწარმოსთან მყოფი საბჭოთა ჯგუფების როლისა და მონაწილეობის შესახებ.
- 211. სასოფლო საბჭოების დათვალიერების ჩატარების ღონისძიებათა შესახებ.

დადგენილებანი ა/კფსრ სახალხო კომისართა საბჭოსი.

- 212. ა/კფსრ-ში სტანდარტიზაციის ტემპის გაძლიერების ღონისძიებათა შესახებ.
- 213. ამიერკავკასიის სარეწაო კოოპერაციის საბჭოს დებულების შეცვლის შესახებ.

**დადგენილებანი ა/კფსრ სახალხო კომისართა საბჭოსთან არსებული
აღსრულების შემოწმებელი კომისიისა.**

- 214. საბჭოთა მეცხოველეობის მეურნეობების საკვებით უზრუნველყოფის მსგელობის
შესახებ.
- 215. „ანდესიტ“-ის პროგრამის ჩაშლაში კონკრეტულ დამნაშავეთა შესახებ.
- 216. მეთესლეობის კოლექტიური მეურნეობების შერჩევის შესახებ.

დადგენილება ამიერკავკასიის ცენტრალური აღმასრულებელი კომიტეტისა და ა/კსფსრ სახალხო კომისართა საბჭოსი.

209. სსრკ-ის მთავრობასთან მყოფი ა/კსფსრ-ის მუდმივი წარმომადგენლობის დებულების მე-6 მუხლის შეცვლის შესახებ.

„სსრკ-ის სახალხო კომისართა საბჭოსთან მყოფ მოკავშირე რესპუბლიკების წარმომადგენლების შესახებ“ გამოცემული სსრკ-ის სახალხო კომისართა საბჭოს 1931 წ. თებერვლის 4-ის დადგენილების შესაბამისად (სსრკ კან. კრ. 1931 წ. მე-8 №-ი, მუხ. 95)—ამიერკავკასიის ცენტრალური აღმასრულებელი კომიტეტი და ა/კსფსრ სახალხო კომისართა საბჭო აღდგენენ:

სსრკ-ის მთავრობასთან მყოფი ა/კსფსრ-ის მუდმივი წარმომადგენლობის დებულების მე-6 მუხლი (ა/კსფსრ კან. კრ. 1929 წ. მე-8 №-ი, მუხ. 78) მიღებულ იქნეს შემდეგი რედაქციით:

„მუხ. 6. ა/კსფსრ მუდმივი წარმომადგენლობის სათავეში სდგანან მუდმივი წარმომადგენელი და ორი მისი მოადგილე, რომელთაც დანიშნავს ა/კსფსრ სახალხო კომისართა საბჭო“.

ამიერკავკასიის ცენტრალური
აღმასრულებელი კომიტეტის თავმჯდომარე ა. ანანიანი.

ა/კსფსრ სახალხო კომისართა
საბჭოს თავმჯდომარე მ. ორახელაშვილი.

ამიერკავკასიის ცენტრალური
აღმასრულებელი კომიტეტის მდივნის მოვ. აღმს. ა. გიორგაძე.

1931 წ. სექტემბრის 25.
ტფილისი

დადგენილება ამიერკავკასიის ცენტრალური აღმასრულებელი კომიტეტისა.

210. სამეურნეო ანგარიშზე მყოფი ბრიგადების მოწყობაში საქალაქო საბჭოებისა და სხვადასხვა საწარმოსთან მყოფი საბჭოთა ჯგუფების როლისა და მონაწილეობის შესახებ.

მთელ რიგ საწარმოთა მუშების ინიციატივით, ამ უკანასკნელ ხანაში, წარმოიშვა სოციალისტური შეჯიბრებისა და დამკვერელობის ახალი ფორმა—სამეურნეო ანგარიშზე მყოფი ბრიგადები.

სამეურნეო ანგარიშზე მყოფმა ბრიგადებმა მოიპოვეს კონკრეტული მიღწევანი სამრეწველო-საფინანსო გეგმის რაოდენობითი და თვისებითი მაჩვენებლების აღსრულებისა და ვადამეტებით აღსრულების საქმეში; ეს ბრიგადები ერთ-ერთი ფორმაა იმ ბრძოლისა, რაც სწარმოებს შრომის წესიერი ორგანიზაციისათვის, საწარმოთა მუშაობაში სამეურნეო ანგარიშის შთანერგვისათვის და სოციალისტური შეჯიბრების შემდგომი განვითარებისათვის—შრომის ნაყოფიერების გადიდებაში თვით მუშების მატერიალური დაინტერესების საფუძველზე.


ამისდამიხედვით ამიერკავკასიის ცენტრალური აღმასრულებელი კომიტეტი წინადადებას აძლევს ყველა საქალაქო საბჭოს და საბჭოების ჯგუფებს საწარმოში—ყოველმხრივ განამტკიცონ სამეურნეო ანგარიშზე მყოფი ბრიგადები და აქტიური მონაწილეობა მიიღონ მათი შემდგომი განვითარების საქმეში, რისთვისაც:

1. საქალაქო საბჭოებმა და საბჭოების ჯგუფებმა საწარმოში და საამქროში უნდა შექმნან ყველა ის პირობა, რაც საჭიროა ბრიგადების სამეურნეო ანგარიშზე წარმატებით გადაყვანისათვის. ამ მიზნით აქტიური მონაწილეობა უნდა მიიღონ მუშების ბრიგადებზე დანაწილების გადასინჯვაში—იმ თვალსაზრისით, რომ ლიკვირებულ იქნეს გაუპიროვნება გაწყობილობის მოვლის საქმეში და თანაბრობა შრომის სასყიდელში, რისთვისაც ბრიგადები მიმაგრებულ უნდა იქნენ განსაზღვრულ დაზგებზე და უნდა მოხდეს სანარდო შრომის სასყიდელზე გადასვლა და სხვ.; თანაც უნდა შექმნან პირობები მასალისა, ნედლეულისა, ენერჯისა და იარაღის ეკონომიით ხარჯვისათვის,—რისთვისაც უნდა სწარმოებდეს აღსნა-განმარტება, თუ როგორ იყოს დაყენებული სწორე მთლიანი აღნუსხვა, მუშა-ძალის ნორმირება, რა მნიშვნელობა აქვს ყველა ამას და როგორ უნდა იქნეს თავიდან აცილებული მუშა-ძალის უნაყოფო გამოყენება. აგრეთვე აქტიური მონაწილეობა უნდა მიიღონ შინა-სამქრო პლანირებაში და განუმარტონ მუშათა ფართო ფენენებს ზემოაღნიშნული იდეები.

2. საბჭოების ჯგუფები ინიციატორები უნდა იყვნენ სამეურნეო ანგარიშზე მყოფი ბრიგადების მიერ საამქრო ადმინისტრაციასთან ხელშეკრულების სასწრაფოდ დადებისა. ამასთანავე ხელშეკრულებაში შეიტანება:

ა) ბრიგადის მიერ, შემხვედრი გეგმის წესით, წამოყენებული რაოდენობითი მაჩვენებლები, ზედნადები ხარჯების ნორმები და აგრეთვე ბრიგადის ვალდებულება—შრომის ნაყოფიერების გადიდებისა, ბრაკის შემცირებისა და ლიკვიდაციისა, ძირითადი და დამხმარე მასალის ეკონომიით ხარჯვისა, მუშაობის გაცდენის და მოცდენის ლიკვიდაციისა, სამუშაოს მცირეობისგან მუშებით შესრულებისა, სამომხადებლო მუშაობის დროის შემცირებისა, გამოსაშვები პროდუქციის თვისების სისტემატიური გაუმჯობესებისა და თვითღირებულების შემცირების შესახებ;

ბ) ადმინისტრაციის ვალდებულება—ბრიგადისათვის ნედლეულისა, მასალისა და ინსტრუმენტების თავის დროზე მიწოდებისა, გაწყობილობის თავის დროზე რემონტისა და თვითღირებულების აღნუსხვის ორგანიზაციის შესახებ; აგრეთვე ვალდებულება ბრიგადის დაპრემირების შესახებ მისი მიღწევებისათვის თვისებითი მაჩვენებლების სფეროში (პრემიის რაოდენობა ზედმიწევნით აღინიშნება).



3. საბჭოს ჯგუფი თვალყურს ადევნებს პრემიის თავის დროზე (ე. ი. ყოველთვიურად) გაცემას იმ ეკონომიისათვის, რასაც მიაღწევს ბრიგადა აღმინისტრაციის განწყობით განსაზღვრული ნედლეულისა, მასალისა, ინსტრუმენტებისა და მუშა-ძალის ხარჯვის ნორმების გადამეტებით შესრულების შედეგად. საბჭოს ჯგუფი სამეურნეო ანგარიშზე მყოფი ბრიგადების მუშაობის პროცესში გამოსარკვევს იმ ცალკეულ მონაწილეთ, რომელთაც ჭაბუკინეს მუშაობა, გამოიწვიეს ბრაკი, მასალის ზედმეტი ხარჯვა და სხვ. და მოითხოვს მოეხსნოს მათ ნაწილობრივ ან სრულიად პრემია; ამ გარემოებას საბჭოს ჯგუფი გამოიყენებს საუკეთესო მუშა-დამკვერლების დაპრემირებისათვის მათი უფრო მეტი წახალისების მიზნით.

4. რადგანაც სამეურნეო ანგარიშზე მყოფი ბრიგადა შეიქმნება მხოლოდ თვით მუშების ინიციატივით, საბჭოს ჯგუფმა უნდა აწარმოოს მკვეთრი ბრძოლა იმ დამახინჯებასთან, რამაც თავი იჩინა ბრიგადების სამეურნეო ანგარიშზე გადაყვანის პრაქტიკაში, მაგალითად: პირგაუტეხელობის მატერიალური ჯარიმის დამყარება მუშებისათვის, სამეურნეო ანგარიშზე მყოფი ბრიგადების აღმინისტრაციული წესით დაარსება, შინაგანრიგების წესისათვის თავის აცილება, ბრიგადის მიერ მიღებული განწყობის დარღვევა, სამეურნეო ანგარიშზე მყოფი ბრიგადებისათვის საბრუნავი სახსარის მიცემა და სხვა მისთ.

5. საქალაქო საბჭოებმა ახლო ხანში უნდა მოისმინონ თავიანთ პრეზიდენტებში საწარმოთა მოხსენებანი სამეურნეო ანგარიშზე მყოფი ბრიგადების მოწყობის საქმის მდგომარეობის შესახებ, რისთვისაც სექციების მეშვეობით უნდა მოახდინონ წინასწარი გამოკვლევა.

რადგანაც სამეურნეო ანგარიშზე მყოფი ბრიგადების განვითარებას უაღრესი მნიშვნელობა აქვს წარმოებაში შრომის წესიერად ორგანიზაციისა, სამეურნეო ანგარიშის შთანერგვისა და სოციალისტური შეჯიბრების შემდგომი გაშლისათვის,—ამიერკავკასიის ცენტრალური აღმასრულებელი კომიტეტი მოითხოვს საქალაქო საბჭოებისაგან და საბჭოების ჯგუფებისაგან სხვადასხვა საწარმოში—მაქსიმალური ყურადღება მიაქციონ ბრიგადების სამეურნეო ანგარიშზე გადასვლის საქმეს და გულშეოცენებით მოამზადონ იგი.

ამიერკავკასიის ცენტრალური
აღმასრულებელი კომიტეტის თავმჯდომარე ა. ანანიანი.

ამიერკავკასიის ცენტრალური
აღმასრულებელი კომიტეტის მდივნის მოვ. აღმს. ა გიორგაძე.

1931 წ. სექტემბრის 29.
ტფილისი.

დადგენილება ამიერკავკასიის ცენტრალური აღმასრულებელი კომიტეტისა.

211. სასოფლო საბჭოების დათვალიერების ჩატარების ღონისძიებათა შესახებ.

სასოფლო საბჭოების მუშაობის გარდაქმნის საქმის დათვალიერების თვიურის შესახებ გამოცემული ამიერკავკასიის ცენტრალური აღმასრულებელი კომიტეტის პრეზადიუმის ა/წ. სექტემბრის 12-ის დადგენილების დასამატებლად ამიერკავკასიის ცენტრალური აღმასრულებელი კომიტეტი აღგნის:

1. რადგანაც ა/კსფსრა რაიონების უმეტესობა დიდის დავიანებით შეუდგა სასოფლო საბჭოების დათვალიერების თვიურს, ხოლო ბევრი მათგანი—უმთავრესად აზერბაიჯანში—არსებითად დათვალიერებას არც-კი შესდგომია, დათვალიერების დამთავრების ვადა გადაიდოს 1931 წ. ოქტომბრის 20-თვის.

2. დათვალიერებისათვის წარმოებულ მუშაობაში კოლმეურნეთა მასებისა და ინდივიდუალურ მეურნე გლეხებისა, ღარიბი და საშუალო გლეხების ფართოდ ჩაბმისათვის—მოწყობილ იქნეს თვითეულ დასახლებულ პუნქტში რამდენიმე თემატური ბრიგადა დაგზავნილ ინსტრუქციის თანახმად; ამასთანავე, განსაკუთრებული ყურადღება მიექცეს შენდები ბრიგადების შექმნას: ა) მიმდინარე სამეურნეო-პოლიტიკური კამპანიების ოპერატიული დახმარების ბრიგადებისა; ბ) კოლმეურნეთაგან და ინდივიდუალურ მეურნეთაგან შემდგარი შერეული ბრიგადებისა, რომელნიც გამოიკვლივენ კოლექტიურ მეურნეობათა მუშაობას, რის შემდეგაც კოლმეურნეობანი წარუდგენენ კოლმეურნეთაგან და იმ ინდივიდუალურ მეურნეთაგან შემდგარ კრებას, რომელნიც ჯერ კიდევ კოლექტიურ მეურნეობაში არ შესულან, სათანადო მოხსენებას, ხოლო ბრიგადები—თანამოხსენებას; გ) საჩივრებისა და წინადადებების გამარჩევი ბრიგადებისა; დ) „კოლექტიურ მეურნეობებიდან გარესამუშაოზე გასვლის შესახებ“ გამოცემული სსრკ-ის ცენტრალური აღმასრულებელი კომიტეტისა და მიწათმოქმედების სახალხო კომისარიატის დადგენილების მრავალხედილი, ზედმეტი მუშა-ძალის გამომრკვევი და ამ მუშა-ძალის საწარმო-ათათვის მომგროვებელი და საბჭოთა მეურნეობების მოსავლის აღებაში დამხმარე ბრიგადებისა.

3. ოქტომბრის 2 და 7 შუა ყველა სარაიონო აღმასრულებელ კომიტეტში ჩატარებულ უნდა იქნეს თანაბარი სექციების ხელმძღვანელთა და აქტივის თათბირები, დამთვალიერებელი კომისიებისა, კოლმეურნეებისა, სამოქალაქო ომის პარტიზანებისა და გმირების მონაწილეობით—სასოფლო საბჭოების სექციების მუშაობის ბრიგადული მეთოდით მუშაობის შესაბამისად გარდაქმნის შესახებ; თანაც განხილულულ უნდა იქნეს ცალკეული სექციების სანიმუშო გეგმები.

4. ოქტომბრის 7—10 ყველა სოფელში და დასახლებულ ადგილას ჩატარებულ უნდა იქნეს წინასწარი საჯამო დათვალიერების თათბირები, დეპუტატების უკან გაწვევა და შეცვლა, სექციების შედგენილობის ვადასინჯვა, სექციების სამუშაოთა და ბრიგადების შექმნის გეგმების მასშურ განხილვა; თათბირებში მონაწილეობას მიიღებენ კოლმეურნეთა და ინდივიდუალურ მეურნეთა მასები და ამ თათბირებს ხელმძღვანელობას გაუწევენ ბრიგადირები, საბჭოთა დეპუტა-

ტები და დამკერვლი-კოლმეურნეები; სექციებსა და ბრიგადებს შორის დაიდებ კონკრეტული სოციალისტური ხელშეკრულებანი ცალკეულ ღონისძიებათა შერულების ვადის აღნიშვნით; ხელშეკრულებებით უზრუნველყოფილ უნდა იქნეს სოფლის სამეურნეო და კულტურული განვითარების გეგმების აღსრულება და გადამეტებით აღსრულება; თათბირებზე აგრეთვე დასახელებულ იქნებიან დასაპრემირებელი კანდიდატები. დამთვალეიერებელი კომისია შეადგენს სოფლად დათვალეიერების მსვლელობისა და შედეგების წინასწარ ანგარიშს, რომელშიაც აღინიშნება: ა) დათვალეიერების პერიოდში მიმდინარე კამპანიების გეგმების აღსრულება—მოსავლის აღება, დამზადებანი, საშემოდგომო თესვა; ბ) დათვალეიერების პერიოდში კოლმეურნეობათა ზრდა, ნაპრობითობის შთანერგვა, შრომის აღსუსხვა და მოსავლის განაწილება; გ) რიცხვი ბრიგადებისა და დამთვალეიერებელ ბრიგადებში ჩაბმულ პირთა, მათი სოციალური და სქესობრივი ნიშნების მიხედვით და აგრეთვე სექციების პრაქტიკულ მუშაობაში ჩაბმულ პირთა რიცხვი; დ) გამოცემული კედლის ვახეთების რიცხვი; ე) უკან გაწვეული დელეგატები და მათი გაწვევის მიზეზები; ვ) სასოფლო საბჭოს მუშაობის გარდაქმნის ხასიათი; ზ) დაპრემირებულთა რიცხვი; თ) ჩატარებული მასსური კრებების რიცხვი; ი) გამოაშკარავებული დიდი მნიშვნელობის ნაკლოვანებანი და გადახრანი; კ) უმნიშვნელოვანესი წინადადებანი.

5. სექტემბრის 12—20 სარაიონო აღმასრულებელ კომიტეტებთან მოიწვევა საჯამო თათბირები—რაიონებში დათვალეიერების მიმდინარეობის საქმასათვის; გაიცემა პრემიები სარაიონო მასშტაბით და დასახელებულ იქნებიან კანდიდატები სასოფლო საბჭოების რესპუბლიკანური კონკურსისათვის; შედგენილ იქნება ანგარიში სასოფლო საბჭოებისათვის დადგენილი სქემის მიხედვით და შემდეგი ცნობების დამატებით: ა) ჩატარებული სარაიონო და ქვერაიონული თათბირებისა, კურსებისა და კონფერენციების რიცხვი; ბ) სარაიონო ორგანიზაციების მუშაობის გარდაქმნის ხასიათი; გ) საბჭოთა მუშაობაში ჩაბმული კოლმეურნე-პარტიზანებისა, სამოქალაქო ომის გმირებისა, ღირსი და საშუალო ინდივიდუალური მეურნეებისა და ქალების რიცხვი და რა მუშაობაში არიან ჩაბმულნი.

6. ოქტომბრის 20—25 რესპუბლიკანური დამთვალეიერებელი კომისიები ჯამს გაუკეთებენ მუშაობას, შეადგენენ ანგარიშს, შეარჩევენ კანდიდატებს საერთო-სამიერკავკასიო დაპრემირებისათვის და გასცემენ პრემიებს რესპუბლიკანური მასშტაბით.

7. ნოემბრის 1-ლს ამიერკავკასიის ცენტრალური აღმასრულებელი კომიტეტის პრეზიდიუმში დაყენებულ იქნეს ცენტრალური დამთვალეიერებელი კომისიის ანგარიში და მიეცეს პრემიები ამიერკავკასიის საუკეთესო დამთვალეიერებელ კომისიებს.

ამიერკავკასიის ცენტრალური
აღმასრულებელი კომიტეტის თავმჯდომარე ა. ანანიანი.

ამიერკავკასიის ცენტრალური
აღმასრულებელი კომიტეტის მდივნის მოვალ. აღმს. ა. გიორგაძე.

1931 წ. სექტემბრის 29.
ტფილისი.

დადგენილება ა/კსფსრ სახალხო კომისართა საბჭოსი.

212. აკსფსრ-ში სტანდარტიზაციის ტემპის გაძლიერების ღონისძიებათა შესახებ.

რადგანაც სოციალისტური სტანდარტიზაცია ერთ-ერთი უაღრესი მნიშვნელობის ფაქტორია ტექნიკის დაგეგმვისა და აკსფსრ სახალხო მეურნეობის ტექნიკური ვარდაიარაღებისა, საწარმოთა სპეციალიზაციისა, პროდუქციის თვისებისათვის ბრძოლისა, თვითღირებულების შემცირებისა და მშენებლობის გაიაფებისა და—საერთოდ—სახალხო მეურნეობაში დანაკლისთა წინააღმდეგ ბრძოლისა,—აკსფსრ სახალხო კომისართა საბჭო აღგენს:

1. დაევალოს ყველა სახალხო კომისარიატს და დაწესებულებას—უზრუნველჰყოს უმოკლეს ხანში ორგანიზაციულად და მატერიალურად ყველა იმ ღონისძიების განხორციელება, რაც ვათვალისწინებელია სასტანდარტიზაციო კომიტეტის დადგენილებით და რაც შეეხება სტანდარტიზაციის საქმის საორგანიზაციო მხარეს.

2. წინადადება მიეცეს უწყებებისა, შენაერთებისა და დაწესებულებების ხელმძღვანელთა გამოჰყონ პერსონალურად კოლეგიისა თუ გამგეობის თითო წევრი, რომელიც პასუხისმგებელ იქნება ყველა სასტანდარტიზაციო ღონისძიებისათვის, და მათი გვარები აცნობონ სასტანდარტიზაციო კომიტეტს.

3. წინადადება მიეცეს ა/კსფსრ მუშათა და გლეხთა ინსპექციის სახალხო კომისარიატს—გამოკვლევის ჩატარების დროს გამოაშვარაოს სტანდარტიზაციის გეგმების ჩაშლაში დამნაშავენი და მისცეს ისინი პასუხისგებაში სსრკ-ის მუშათა და გლეხთა ინსპექციის ცენტრალური საკონტროლო კომისიის 1930 წ. სექტემბრის 1-ლის დადგენილების შესაბამისად.

4. დაევალოს ყველა უწყებასა და შენაერთს—აავსოს თავისი სამრეწველო-საფინანსო გეგმები საერთო საკავშირო სტანდარტების ტექნიკური და თვისებრივი ნორმების შესაბამისად. როგორც ახალსაშენებლებმა, ისე რეკონსტრუქციებმა უნდა უზრუნველჰყონ დამტკიცებული სტანდარტების განხორციელება.

5. წინადადება მიეცეს უწყებათ—დაავალონ მათ გამგებლობაში მყოფ ყველა სამეცნიერო-საკვლევო ინსტიტუტს, აკსფსრ სახელმწიფო საეგემო კომისიისთან არსებული ამიერკავკასიის სასტანდარტიზაციო კომიტეტის მიწიწმებით, შეიტანოს თავისი მოქმედების გეგმაში სასტანდარტიზაციო სამუშაოები და უზრუნველჰყოს ეს სამუშაოები საორგანიზაციო საშუალებებით და საფინანსო სახსარით.

აკსფსრ სახალხო კომისართა

საბჭოს თავმჯდომარე მ. ორაზელაშვილი.

აკსფსრ სახალხო კომისართა

საბჭოს საქმეთა მმართველი ა. შავგრაღვი.

1931 წ. სექტემბრის 26.

№ 413.

ტფილისი.

დადგენილება ა/კსფსრ სახალხო კომისართა საბჭოსი.

213. ამიერკავკასიის სარეწაო კოოპერაციის საბჭოს დებულების შეცვლის შესახებ.

ა/კსფსრ სახალხო კომისართა საბჭო ადგენს:

„შინამრეწველობისა და სარეწაო კოოპერაციის შესახებ“ გამოცემული სსრკ-ის სახალხო კომისართა საბჭოს 1931 წ. ივლისის 28-ის დადგენილებისა და ა/კსფსრ სახალხო კომისართა საბჭოს 1931 წ. სექტემბრის 11-ის დადგენილების საფუძველზე სარეწაო კოოპერაციის მთელი სისტემის ძირითადი რეორგანიზაციის შესაბამისად—ამიერკავკასიის სარეწაო კოოპერაციის საბჭოს დებულებაში (ა/კსფსრ კან. კრ. 1931 მე-14 №ი, მუხ. 158) შეტანილ იქნეს შემდეგი ცვლილება:

1. 1-ლი მუხლი მიღებულ იქნეს შემდეგი რედაქციით:

„1. ამიერკავკასიის სარეწაო კოოპერაციის საბჭო დაარსებულია, რათა საერთო ხელმძღვანელობა გაუწიოს ა/კსფსრ შედგენილობაში შემავალი რესპუბლიკების სარეწაო კოოპერაციის კავშირებისა, მათი სადარგო შენაერთებისა და სპეციალური სარეწაო კოოპერატიული ორგანიზაციების მოქმედებას, დაგეგმოს და მოაწესრიგოს საწარმოო და საგამსაღებლო-სამომარაგებლო მუშაობა და კაპიტალური მშენებლობა, გაატაროს სარეწაო კოოპერაციის სისტემის საფინანსო პოლიტიკა და საორგანიზაციო, სოციალურ-საყოფაცხოვრებო და კულტურულ-მასობრივი მშენებლობის ყველა საკითხი, და აგრეთვე საკითხები ა/კსფსრ სარეწაო კოოპერაციის განვითარების ღონისძიებათა შემუშავებისა ა/კსფსრ მთავრობის ორგანოებში, სადირექტივო ორგანოებში და ა/კსფსრ-ისა და სსრკ-ის კოოპერატიულ ორგანოებში;“

2. მე-5 მუხლის „ე“ და „ვ“ პუნქტები მიღებულ იქნეს შემდეგი რედაქციით:

„ე) შეიმუშაოს ა/კსფსრ სარეწაო კოოპერაციის მომარაგებისა და მის ნაკეთობის ექსპორტის ჯუმლობითი საწარმოო-საფინანსო გეგმები და გაანაწილოს, დამტკიცებული გეგმების საფუძველზე, რესპუბლიკანურ კავშირებს შორის ა/კსფსრ სარეწაო კოოპერაციის ნედლეულით, ნახევარ-ფაბრიკატებით და საწარმოო იარაღით მომარაგების კონტინგენტები.“

„ვ) გაანაწილოს რესპუბლიკანურ კავშირებსა და სპეციალურ შენაერთებს შორის საბანკო და საბიუჯეტო დაფინანსება, აგრეთვე დაადგინოს და გაატაროს საფინანსო დისციპლინის დამრღვევ კავშირების მიმართ საფინანსო ზედმოქმედების ღონისძიებანი მთავრობის უმაღლესი ორგანოებისა და სარეწაო კოოპერაციის ხელმძღვანელი ცენტრებისა.“

3. მე-5 მუხლის დაემატოს პუნქტები „ლ“ და „მ“ შემდეგი შინაარსისა:

„ლ) შეიმუშაოს და დაამტკიცოს სათანადო ორგანოებთან შეთანხმებით, ა/კსფსრ სარეწაო კოოპერაციის კაპიტალური მშენებლობის გეგმები;“

„მ) გაუწიოს მეთვალყურეობა და კონტროლი კაპიტალური მშენებლობის გეგმების შესრულებას; გაანაწილოს, დამტკიცებული გეგმების საფუძველზე, რესპუბლიკანურ კავშირებს შორის კაპიტალური მშენებლობისათვის საჭირო სახსარი, მშენებლობის ობიექტების მიხედვით და წლიური და კვარტალური ხაზით; განიხილოს და დაამტკიცოს, არსებული დებულებების საფუძველზე, ტენიკური პროექტები და ხარჯთაღრიცხვები; აგრეთვე—შეიტანოს, სათანადო ორგანოებთან შეთანხმებით, საჭირო ცვლილებანი კაპიტალური მშენებლობის დამტკიცებულ გეგმებში.“

4. მე-6 მუხლის „ა“ და „დ“ პუნქტები მიღებულ იქნეს შემდეგი რედაქციით:

„ა) მოსთხოვოს რესპუბლიკანურ ცენტრებსა, სადარგო და სპეციალურ სარეწაო კოოპერატიულ შენაერთებს მათი მოქმედების ანგარიშის წარდგენა და მოისმინოს ეს ანგარიშები;“

„დ) აწარმოოს რევიზია სარეწაო კოოპერაციის რესპუბლიკანური ცენტრებისა, სპეციალური და სადარგო შენაერთებისა, საურთიერათო დაზღვევის საღაროებისა და პირველადი ორგანიზაციებისა, უკანასკნელ შემთხვევაში—სათანადო რესპუბლიკანური ცენტრის ცნობილად“.

ა/კსფსრ სახალხო კომისართა
საბჭოს თავმჯდომარე მ. ორახელაშვილი.

ა/კსფსრ სახალხო კომისართა
საბჭოს საქმეთა მმართველი ა. შავერდია.

1931 წ. სექტემბრის 26.

№ 414.

ტილისი.

დადგენილება ა/კსფსრ სახალხო კომისართა საბჭოსთან არსებული აღსრულების უმჯობესებელი კომისიისა.

214. საბჭოთა მეცხოველეობის მეურნეობების საკვებით უზრუნველყოფის მსვლელობის შესახებ.

მოისმინა-რა ა/კსფსრ მიწათმოქმედების სახალხო კომისარიატის კოლეგიის წევრის ამხ. ხუნდაძის მოხსენება და „სკოტოვოდ“-ის ამიერკავკასიის განყოფილების წარმომადგენლის ამხ. დალინისა, „სვინოვოდ“-ის ამიერკავკასიის განყოფილების წარმომადგენლის ამხ. იორამაშვილისა, „ოვცეოვოდ“-ის ამიერკავკასიის განყოფილების წარმომადგენლის ამხ. სარქისოვისა და ა/კსფსრ მუშათა და გლეხთა ინსპექციის სახალხო კომისარიატის კოლეგიის წევრის ამხ. პოტურიანინის თანამოხსენებები—საბჭოთა მეცხოველეობის მეურნეობების საკვებით უზრუნველ-

ყოფის მსვლელობის შესახებ, აღსრულების შემმოწმებელი კომისია აღნიშნავს, რომ:

ა) ა/კფსრ მიწათმოქმედების სახალხო კომისარიატისა და ა/კფსრ შედგენილობაში შემავალი რესპუბლიკების მიწათმოქმედების სახალხო კომისარიატებისა და „სკოტოვოდ“-ისა და „სვინოვოდ“-ის საბჭოთა მეურნეობების ტრესტების მიერ მიღებულ არ იქნა თავის დროზე ღონისძიებანი—საკვებით საბჭოთა მეცხოველეობის მეურნეობების უზრუნველყოფის შესახებ გაცემული ა/კფსრ სახალხო კომისართა საბჭოს დირექტივების შესრულებისათვის, განსაკუთრებით საკვების დასილოსებისა და თივის გათიბვის ხაზით;

ბ) თუმცა „სკოტოვოდ“-ის ტრესტმა სათიბების მოსავლის აღების გეგმა 88-0/ით შესრულა, მაგრამ ცალკეული საბჭოთა მეურნეობები (ჩერომოდლისა, შემახისა, ბაზარჩისა და სემიონოვსკის) სრულად არ არიან უზრუნველყოფილნი მაგარი საკვებით; „სკოტოვოდ“-ისა, „სვინოვოდ“-ისა და „ოვცევოდ“-ის საბჭოთა მეურნეობების ტრესტებში არ არსებობს ქონებული საკვების აღნუსხვა, შედგენილი არ არის 1931-32 წლის ზამთრისათვის საჭირო საკვების ბალანსი და შემუშავებულ არ არის საკვებით დეფიციტიან საბჭოთა მეურნეობებში საკვების გადაგზავნის გეგმა.

აღსრულების შემმოწმებელ კომისიას მიაჩნია, რომ პასუხისმგებლობ „სკოტოვოდ“-ისა, „ოვცევოდ“-ისა და „სვინოვოდ“-ის ა/კფსრ საბჭოთა მეცხოველეობის მეურნეობების საკვებით უზრუნველყოფისათვის უნდა დაეკისროს მთლად ტრესტების ამიერკავკასიის კონტორების მმართველთ და სათანადო საბჭოთა მეურნეობების დირექტორებს.

ა/კფსრ სახალხო კომისართა საბჭოსთან არსებული აღსრულების შემმოწმებელი კომისია ადგენს:

1. წინადადება მიეცეს „სკოტოვოდ“-ისა, „ოვცევოდ“-ის და „სვინოვოდ“-ის ტრესტებს საბოლოოდ გააზარკვიონ ნოემბრის 15-თვის სათანადო სისტემების ცალკეულ საბჭოთა მეურნეობებში ქონებული მაგარი საკვების რაოდენობა და, ამისდაშესაბამისად, შეინუშაონ ამა თუ იმ საბჭოთა მეურნეობაში საკვების ნაკლებობის დაფარვის გეგმა—ერთი საბჭოთა მეურნეობიდან საკვების სხვა საბჭოთა მეურნეობაში გადაგზავნით.

უზრუნველჰყონ საესებით სილოსის ჩაწრის გეგმის აღსრულება გარეული აღმონაცენისა და ნათიბზე მოსული ბალახის გამოყენებით.

2. დაევალოს ა/კფსრ მიწათმოქმედების სახალხო კომისარიატს წარუდგინოს ოქტომბრის 25-თვის ა/კფსრ სახალხო კომისართა საბჭოს განსახილველად „სკოტოვოდ“-ისა, „ოვცევოდ“-ის და „სვინოვოდ“-ის საბჭოთა მეურნეობების კონცენტრირებული საკვებით უზრუნველყოფის გეგმა.

3. დაევალოს „სკოტოვოდ“-ისა და „ოვცევოდ“-ის ტრესტების მმართველთ—უზრუნველჰყონ ზამთრის სიცივის დადგომამდე საკვების გადაგზავნა საქონლის საზამთრო ბინებში.

4. მიღებულ იქნეს ცნობად „ოვცევოდ“-ის ტრესტის მმართველის აშხ. სარქისოვის განცხადება, რომ „ოვცევოდ“-ის საბჭოთა მეურნეობანი სრულიად უზრუნველყოფილ არიან საკვებით ზამთრის პერიოდში.

5. ნომბრის ბოლოს მოსმენილ იქნეს აღსრულების შემმოწმებელ კომისიაში ტრესტების მოხსენებანი საბჭოთა მეცხოველეობის მეურნეობების ცალკეული სისტემების ზამთრის პერიოდში მაგარი და კონცენტრირებული საკვებით უზრუნველყოფის შესახებ.

აღსრულების შემმოწმებელი კომისიის
თავმჯდომარე მ. ორახელაშვილი.

აღსრულების შემმოწმებელი კომისიის
მდივანი თ. მელნიკოვი.

1931 წ. სექტემბრის 24.

№ 25.

ტფილისი.

დადგენილება ა/კსფსრ სახალხო კომისართა საბჭოსთან არსებული აღსრულების შემმოწმებელი კომისიისა.

215. „ანდეზიტ“-ს პროგრამის ჩაშლაში კონკრეტულ დამნაშავეთა შესახებ.

1. მოისმინა-რა ა/კსფსრ მუშათა და გლეხთა ინსპექციის მოხსენება და ა/კსფსრ სახალხო მეურნეობის უმაღლესი საბჭოს თავმჯდომარისა და „ზაკმინერალრუდ“-ის დირექტორის თანამოხსენებანი „ანდეზიტ“-ის პროგრამის შესრულების მსვლელობის შესახებ, ა/კსფსრ სახალხო კომისართა საბჭოსთან არსებული აღსრულების შემმოწმებელი კომისია აღნიშნავს, რომ პარტიისა და მთავრობის დადგენილება ანდეზიტის მუშაობის შესახებ შესრულებული არ არის (1-ლ ნახევარწელს შესრულებულია პროგრამა: ტლანქი თლა—25,4⁰/ო-ით, სუფთა თლა—54,9⁰/ო-ით; ივლისში: ტლანქი თლა—15,7⁰/ო-ით და სუფთა თლა 34,9⁰/ო-ით; აგვისტოში: ტლანქი თლა—12,3⁰/ო-ით, სუფთა თლა—21,7⁰/ო-ით) და სამრეწველო-საფინანსო გეგმის დავალებანი ჩაშლის საფრთხეშია ჩაყენებული.

2. ანდეზიტისათვის მიცემულ დავალებათა შესრულების ჩაშლა იმის შედეგია, რომ საკავშირო შენაერთებმა არ შეასრულეს თავიანთი დადგენილებანი ანდეზიტისათვის საჭირო მექანიკური გაწყობილობის მიწოდების შესახებ და აგრეთვე ირისა, რომ თვით ანდეზიტის შიგნითვე ანდეზიტის დირექტორმა აშხ. სერედამ და „ანდეზიტსტროი“-ს სამმართველოს უფროსმა აშხ. პირგულოვმა მეტისმეტად შეუსაბამოდ მოაწყეს მუშაობა, ხოლო „ზაკმინერალრუდის“ მმართველმა აშხ. კელიძემ სუსტი ხელმძღვანელობა გაუწია ამ ულარესი მნიშვნელობის სამუშაოს.

3. აღსრულების შემმოწმებელი კომისია აღნიშნავს, რომ ასეთი მდგომარეობის შექმნისათვის თვალსაჩინოდ პასუხისმგებელი არიან ანდეზიტის პარტიული

და პროფესინალური ორგანიზაციები, რომელნიც ასეთ პასუხს აგებ სამუშაოს საქმეში ვერ იდგნენ სათანადო სიმაღლეზე.

ამის დათმობით ა/კსფსრ სახალხო კომისართა საბჭოსთან არსებული შემმოწმებელი კომისია ადგენს:

1. მიღებულ იქნეს ცნობად, რომ ანდეზიტის დირექტორი აშხ. სერედა და „ანდეზიტსტროი“-ს სამმართველოს უფროსი აშხ. პირგულოვი მოხსნილნი არიან სამუშაოდან.

2. მიენიშნოს „ზაკსტროიობდინენიე“-ს მთავარ ინჟინერს აშხ. აკოფოვს, რომ „ანდეზიტსტროი“-ზე ტექნიკური ხელმძღვანელობის დაკომპლექტება დამაკმაყოფილებელი არ არის.

3. მიენიშნოს ა/კ. სახელმწიფო საბროექტო კონტორის მთავარ ინჟინერს აშხ. სოლოვიოვს და საარქიტექტურო განყოფილების გამგეს ინჟინერ კალგინს, რომ მათ დააყოვნეს პროექტების შედგენა და რომ თვით აღსრულება ამ პროექტებისა თვისებრივად არადააკმაყოფილებელი იყო, რაც ქმნიდა გაძნელებას ანდეზიტის სამუშაოთა წარმოებაში.

4. მიენიშნოს სამომხმარებლო კოოპერაციის ამიერკავკასიის კავშირის თავმჯდომარეს აშხ. ბუკრევეს, რომ სამომხმარებლო კოოპერაციის ამიერკავკასიის კავშირის აპარატმა არ შეასრულა ა/კსფსრ სახალხო კომისართა საბჭოსთან არსებული აღსრულების შემმოწმებელი კომისიის მიერ არაერთხელ გამოტანილი გადაწყვეტილება ანდეზიტზე კოოპერატიული მუშაობის განმტკიცებისა და მუშების კვების გაუმჯობესების შესახებ.

5. წინადადება მიეცეს პროკურატურას გამოიძიოს ანდეზიტისათვის უვარგისი და არასაკირო გაწყობილობის შექმნისა, უყაირათობისა და გაფლანგვის შემთხვევები ანდეზიტის თანამშრომლების ჰასან ჯალალოვისა, ოსტაპოვისა, ხობუას, შენგელიას და სხვათა შესახებ და დამნაშაენი მისცეს პასუხისგებაში.

აღსრულების შემმოწმებელი კომისიის
თავმჯდომარე მ. ორანელაშვილი.

აღსრულების შემმოწმებელი კომისიის
მდივანი თ. მეღნიკოვი.

1931 წ. სექტემბრის 24.

№ 26.

ტფილისი.

დადგენილება ა/კსუსრ სახალხო კომისართა საბჭოსთან არსებული უმემოწმებელი კომისიისა.

216. მეთესლეობის კოლექტიური მეურნეობების შერჩევის შესახებ.

მოისმინა—რა ა/კ. საკოლმეურნეო ცენტრის თავმჯდომარის აშხ. ავი-სისა, ა/კსუსრ მიწათმოქმედების სახალხო კომისარიატის წარმომადგენლის აშხ. ხუნდაძისა და მუშათა და გლეხთა ინსპექციის წარმომადგენლის აშხ. პოტერი-ახინის ცნობა „მეთესლეობის კოლექტიური მეურნეობების შერჩევის თაობაზე“ გამოცემული სსრკ-ის მიწათმოქმედების სახალხო კომისარიატის 1931 წ. იენი-სის 21-ის გადაწყვეტილების შესრულების შესახებ, ა/კსუსრ სახალხო კომისართა საბჭოსთან არსებული აღსრულების შემოწმებელი კომისია აღნიშნავს, რომ სსრკ-ის მიწათმოქმედების სახალხო კომისარიატის 1931 წ. იენისის 21-ის დადგენილება „მეთესლეობის კოლექტიური მეურნეობების შერჩევის შესახებ“ აღსრუ-ლებული არ არის აზერბაიჯანსა და სომხეთში.

ეს აღსრულებლობა მოხდა შემდეგი ორგანიზაციების ბრალით:

ა) ა/კსუსრ მიწათმოქმედების სახალხო კომისარიატისა, რომელსაც თავის დროზე უნდა მოეწყო კომისია კოლექტიური მეურნეობების შერჩევის და ადგი-ლებზე მუშაობის ხელშეწყობისათვის და რომელმაც არ გააკეთა ეს, დაკმა-ყოფილდა—რა მხოლოდ იმით, რომ წინადადება მისცა ა/კ. საკოლმეურნეო ცენ-ტრს და რესპუბლიკების სახალხო კომისარიატებს მოეწყოთ ეს მუშაობა;

ბ) ა/კ. საკოლმეურნეო ცენტრისა, რომელმაც მხოლოდ სექტემბრის პირველ რიცხვებში გაგზავნა თავისი წარმომადგენელი აზერბაიჯანის სსრ-ში და სომხეთის სსრ-ში ამ დავალების აღსრულების მოსაწყობად და რომელსაც ამ უმად ჯერ კიდევ არ აქვს მასალები ადგილებიდან;

გ) „სოიუზსემენოვოდეკოლხოცენტრისა“, რომელსაც აქამდე არ გამოუგზავ-ნია თავისი წარმომადგენელი ადგილობრივ საქმის მოსაწყობად და სადაო სა-კითხების გადასაწყვეტად, და რომელმაც არაუზრუნველყო სახსარით მეთესლე-ობის კოლექტიური მეურნეობების ცენტრებისა და მათი საპერიფერიო ქსელის მოწყობა აზერბაიჯანის სსრ-ში და სომხეთის სსრ-ში.

ამისდამიხედვით აღსრულების კომისია ადგენს:

1. წინადადება მიეცეს ა/კსუსრ მიწათმოქმედების სახალხო კომისარიატს და ა/კ. საკოლმეურნეო ცენტრს—დააჩქარონ მეთესლეობის კოლექტიური მეურნეობების კავშირების მოწყობა აზერბაიჯანის სსრ-ში და სომხეთის სსრ-ში.

2. დამთავრებულ იქნეს არა უგვიანეს 1931 წ. ოქტომბრის 15-სა მეთესლე-ობის კოლექტიური მეურნეობების შერჩევა ა/კსუსრ შედგენილობაში შემავალ ყველა რესპუბლიკაში და უზრუნველყოფილ იქნეს ეს მეურნეობანი აგრომოსა-ხურეობის გაწევით და აგრონომებისა და აგროტექნიკოსების საპირო რიცხვის მათზე მიმაგრებით.

3. „სოიუზსემენოვოდ—მა, ა/კ. საკოლმეურნეო ცენტრმა და საქართველოს მეთესლეობის მეურნეობათა კავშირმა უნდა იხმარონ სასწრაფო ღონისძიებანი დაკონტრაქტებული სათესლე მასალის თავის დროზე მოგროვებისა და დამზადე-

ბის უზრუნველსაყოფად და თანაც გაითვალისწინონ დანაკლისებთან ბრძოლის ღონისძიებანი.

4. წინადადება მიეცეს „სოიუზხლბ“-ის ამიერკავკასიის კონტორას—გამოჰყოს თავისი მოქმედების რაიონებში, „სოიუხსემენოვოდ“-ის მინიშნებით, სათანადო ტევადობის თესლთსაცავები.

5. ა/წ. ოქტომბრის ბოლოს მოსმენილ იქნეს ა/კსფსრ სახალხო კომისართა საბჭოში ა/კსფსრ მიწათმოქმედების სახალხო კომისარიატის მოხსენება ა/კსფსრ-ში სელექციისა და მეთესლეობის გეგმისა და ადგილებზე ამ საქმის დაყენების შესახებ.

აღსრულების შემმოწმებელი კომისიის
თავმჯდომარე მ. ორახელაშვილი.

აღსრულების შემმოწმებელი კომისიის
მდივანი თ. მელნიკოვი.

1931 წ. სექტემბრის 24.

№ 27.

ტფილისი.

გამოქვეყნებულია „ზარია ვოსტოკა“-ს 290 №-ში 1931 წ. ოქტომბრის 21-ს.

